

輿地廣記

六





輿地廣記卷第十五

陝西秦鳳路上

次府鳳翔府春秋以來為秦郡始皇時屬內史漢初屬雍國後分為中地郡九年復屬內史建元六年分為右內史太初元年更名主爵都尉為右扶風東漢因之魏晉為扶風郡元魏為秦平郡兼置岐州西魏改郡為岐陽隋開皇初郡廢大業初州廢復置扶風郡唐復為岐州至德二載肅宗自順化幸扶風是年克復兩京置鳳翔府號為西京後罷亦名今縣十

次赤天與縣故雍縣秦德公既立下居雍曰後子孫飲馬於河遂都雍至孝公乃徙焉二漢屬右扶風有五時以祠上帝說者以為四面積高曰雍宜為神明之隩故立羣祠云晉屬扶風郡元魏置秦平郡及岐州隋為扶風郡唐為岐州至德二年改雍曰鳳翔仍析置天與縣寶應元年省鳳翔入天與有

素泉宮秦孝公起有祈年宮秦惠公起有鳳臺秦穆公時有簫史者善吹簫能致白鳳穆公女弄玉好之公為作鳳臺以居之一旦乘鳳而去秦回中宮在縣西漢文帝十四年匈奴入蕭關回中宮候騎至雍即此

次畿岐山縣漢雍縣地後周三龍縣隋開皇十六年改為岐山屬扶風郡唐屬鳳翔府有馬貢岐山有五將山苻堅為姚萇將吳忠所執於此

次畿扶風縣漢美陽縣地後周置燕川唐武德二年置漳川縣正觀八年更名扶風屬岐州岐陽鎮昔周太三六邠踰梁山邑于岐山之下即此詩所謂居岐之陽也文王始亦治焉二漢為美陽縣地屬右扶風晉因之唐正觀七年置岐州元和三年省入扶風

次畿鹽屋縣漢武帝置屬右扶風山曲曰鹽水曲曰屋因山

水之曲以為名東漢省之元魏後焉後周置周南郡及恒州  
尋並廢隋屬京兆郡唐因之天寶元年改為宜壽至德二載  
復故名天復元年來屬有駱谷關司竹園

次畿郿縣二漢屬弘治風晉因之元魏改為平陽縣西魏復曰  
郿城後周廢入周城隋開皇十八年改周城為渭濱大業二  
年又改渭濱曰郿屬扶風郡唐屬岐州有郿塢漢末董卓所  
築號曰萬歲塢劍水出縣西南衙嶺山北歷斜谷徑五丈原  
東又北流入渭蜀諸葛亮帥師攻魏軍五丈原與司馬宣王  
對壘即此

次畿寶雞縣故陳倉昔秦文公遊獵於陳倉北阪獲若石云其  
色如肝寶而祠之故曰陳寶其神來常以夜光輝若流星從  
東南來集于祠城形若雄鷄其聲若雷野鷄夜雉說者曰此  
寶夫人祠也歲歲與茶君合茶神來時天為之雷鳴雉為雉  
漢屬右扶風東漢及晉皆因之元魏改曰宛川西魏復曰陳  
倉後周置顯州弘治縣俱廢隋開皇十八年復置陳倉縣屬  
扶風郡唐屬岐州至德二載更名寶雞陳倉故城在今縣東  
魏為重鎮明帝大定二十蜀諸葛亮圍魏將郝昭於此不克  
而退大散關在西北有渭水汙水

次畿虢縣本周虢謂之西虢秦武公十一年滅小虢是  
也漢屬右扶風東漢省之後復置元魏置武都郡西魏改縣  
曰洛邑後周置翔州尋廢隋開皇初郡廢大業初復改縣  
曰虢屬扶風郡唐屬鳳翔府平陽鎮秦寧公二年徙居平陽  
是也漢為郿縣地蒲溪水出南山茲谷北流注于渭即呂氏  
春秋所謂太公釣茲泉者也其投竿蹠餌兩膝遺跡猶存  
次畿麟遊縣隋義寧元年於仁壽宮置鳳樓郡及麟遊縣二年  
以仁壽宮中獲白麟更郡曰麟遊唐武德元年曰麟州正觀

元年州廢縣屬蜀岐州改仁壽宮為九成宮

次畿普潤縣二漢杜陽縣地隋大業初置屬扶風郡唐屬鳳翔府有杜水漆水岐水

次畿好時縣祭天之所曰時封禪書昌雍去故有吳陽武時皆廢無祠蓋黃帝時常用事雖晚周亦交焉後以為縣漢屬右

扶風東漢省之元魏復置為扶風尋治隋大業三年省入上宜唐武德二年析醴泉置好時屬雍州正觀八年省入上

岐陽二十一年省好時及陽復置上宜更入上宜曰好時乾寧二年屬乾州 皇朝熙寧五年來屬

下府秦州周孝王封非子於豳秦平天下屬隴西郡漢武帝分置天水郡東漢建武中更名漢陽郡兼為涼州

刺史治焉魏為一鎮置屬天水名陽二郡兼置秦州元魏因之又置漢陽郡隋開皇初郡廢大業初復置天水郡唐為秦州升

雄武軍節度今縣四 地一五 三

上成紀縣包義氏生於此漢屬天水郡東漢屬涇陽郡晉屬天水郡後廢焉後周復置隋屬天水郡唐屬秦州本治一邽

而成紀本治小抗川開元二十二年地震州自邽徙治成紀之苟親川縣亦移入新城天寶元年州還治上邽應元

年陷吐蕃大中三年復故地徙治成紀而上邽廢有善真朱圍山邽山渭水瓦亭山

上天水縣漢上邽縣地屬漢三郡唐時陷吐蕃後收復置天水縣屬秦州唐末廢之後唐長興二年復置以赤砂鎮為治所

有龍馬泉 中隴城縣漢為隴縣屬天水郡東漢屬漢陽郡隋開皇六年改

曰隴城屬秦州唐因之漢略陽道故城在今縣西北阿陽縣故城亦在縣西北有大隴山瓦亭山街泉亭秦谷秦非子始

封於此

中清水縣漢屬天水郡東漢省之晉復置屬略陽郡元魏因之  
後置清水郡隋開皇初郡廢屬秦州唐因之有小隴山清水  
伏羲城本其戎地秦武公十年伐異戎縣之漢屬天水郡王  
莽末隗囂自稱西伯據此東漢為漢陽郡治焉晉屬天水郡  
兼置秦州元魏改曰當其縣後周改曰異城隋屬天水郡唐  
屬秦州武德二年更名伏羲後陷吐蕃 皇朝建隆二年  
置伏羲襄熙寧二年以為城有黃瓜縣元魏置及置漢陽郡  
後廢

上涇州春秋戰國屬秦秦屬北地郡漢武帝分置安定郡東漢  
晉因之元魏武兼置涇州蓋以涇水為名隋為安定郡唐為  
涇州天寶元年曰安定郡後升置善軍節度 皇朝太平興  
國元年改彰化軍今縣四

地一五

四

卷五

望保定縣本安定漢屬安定郡東漢省之後復置為郡治焉元  
魏為涇州隋為安定郡唐為涇州至德元載更名保定漢烏  
氏縣故城在今縣東

上靈臺縣本魏觚漢屬北地郡東漢屬安定郡晉因之後置趙  
平郡後周郡廢隋屬安定郡唐置靈州大寶元年更名靈臺  
亦同時密國之地周文王所伐者也秦為陰密縣白起拔遷  
於此漢置屬安定郡元魏屬平涼郡後省隋大業初以其地  
置靈臺縣二年省入魏觚蓋取之王伐密而民始附之意故  
以靈臺名縣焉

上良原縣隋大業初置屬安定郡唐屬涇州

長武縣唐為長城隸邠州宜祿 皇朝咸平四年置保定縣來

屬五年省為寨大觀二年復置

上邠州春秋戰國皆為西羗秦置隴西郡二漢晉因之惠帝分

置狄道郡前涼張駿置武始郡元魏置臨洮郡隋開皇初廢武始郡屬蘭州唐因之天寶三載分置臨州後陷吐蕃號武勝軍皇朝熙寧五年收復置熙州臨洮郡升鎮洮軍節度今縣一

中下狄道縣秦漢為隴西郡晉為狄道郡張駿置武始郡元魏置臨洮郡及龍城縣唐置臨洮

在東清源堡漢首陽縣地屬隴西郡東漢及晉皆因之元魏改首陽曰渭源隋屬隴西郡唐上元二年後改曰首陽而於

渭源改城別置渭源縣屬渭州儀鳳三年省首陽入渭源沒蕃後廢

皇朝熙寧五年置渭源堡屬熙州有禹夏鳥巢

同穴山潛水所出今謂之青雀山

上隴州春秋戰國屬秦秦屬內史漢屬右扶風晉屬扶風郡西魏置龍東郡兼置東秦州後改為隴州隋開皇三年郡廢大業二年州廢屬扶風郡唐復為隴州天寶元年曰汧陽郡今縣

四

望汧源縣本汧縣漢屬右扶風後漢及晉皆因之西魏曰汧陰縣後改曰汧陽後周復曰汧陰隋改曰汧源屬扶風郡唐為

隴州有馬有禹夏鳥巢山潛水所出有龍山弦蒲藪

取汧陽縣二漢隴陰縣地屬右扶風晉省之元魏置汧陽縣又汧陽郡後周郡廢隋屬扶風郡唐屬隴州有隴陰澤

中吳山縣漢汧縣地元魏省之置長蛇縣隋開皇末省入南田唐武德元年復置屬隴州正觀元年更名吳山有吳岳故南

田縣元魏置屬武都郡隋屬扶風郡唐元和二年省中隴之縣

皇朝開寶元年析汧陽置有秦領山中下成州秦以前為白馬氏漢屬武都郡東漢及晉為郡治焉後為楊氏搜所據楊氏數世皆封仇池公元魏置南秦州西魏改為成州隋開皇初郡廢大業初州廢置漢陽郡唐復為成州

天寶元年更名同谷郡今縣二

中同谷縣本漢下辨道屬武都郡東漢及晉皆為郡治焉元魏屬修武郡後為白石縣等廣業郡西魏改縣曰同谷後周兼置康州隋開皇初郡廢大業初州廢屬河池郡唐武德元年以縣置西康州正觀六年州廢屬成州州初治上祿本漢縣屬武都郡東漢因之晉省焉後置仇池縣曰上祿唐改郡曰成州寶應元年沒吐蕃後廢咸通十三年復置徙治同谷有仇池山其上方百頃四面壁立峭絕險固自然有樓櫓却敵之狀高七里餘磴道三十六回上有豐水泉煮土成監漢末為氐楊茂搜所據

中粟亭縣元魏蘭倉縣地置漢陽郡後唐清泰三年置粟亭縣屬成州有雷牛山栗亭川

下鳳州春秋時為秦所居秦屬隴西郡二漢屬武都郡晉因

之惠帝時沒于公湯茂搜元魏置道郡兼置南岐州西魏改郡曰歸真後周置鳳州隋大業初州廢置河池郡唐為

鳳州天寶元年曰河池郡今縣二

上梁泉縣本漢道文公時伐南山大梓化為牛入水秦為立怒時祠於故道即此漢三引兵從故道龔雍後屬武都郡東漢及晉因之元魏置回道郡及梁泉縣隋置河池郡唐為鳳

州

緊河池縣漢屬武都郡東漢及晉因之後廢焉元魏置廣化縣及廣化郡隋開皇初郡廢仁壽初改縣曰河池屬河池郡唐屬鳳州 皇朝徙治回鎮

上兩當縣本漢故道縣地元魏置兩當縣及兩當郡隋開皇初郡廢屬河池郡唐屬鳳州 皇朝徙治廣鄉鎮廣鄉即水經所謂廣香川也有兩當水出陳倉縣之大散關西南流入故



道

下岷州秦屬隴西郡二漢及晉因之西魏置岷州及同和郡隋  
開皇初郡廢七年初州廢屬臨洮郡唐復為岷州天寶元年曰  
和政郡後陷吐蕃 皇朝熙寧六年收復今縣三

祚川縣本臨洮縣地二漢晉屬隴西郡西魏置溢樂縣及同和  
郡隋改溢樂為臨洮唐武德元年復為溢樂西魏置岷州又置基  
城縣先天元年改基城為祚川沒蕃後並廢 皇朝崇寧  
四年以後置祚川

中大潭縣漢興縣地屬天水郡 皇朝建隆三年以良恭大  
潭二鎮置大潭縣屬秦州熙寧六年來屬有禹貢朱國山  
緊長道縣本漢上祿縣地屬武都郡元魏分三且長道縣屬漢  
陽郡唐屬成州天寶末廢咸通十三年復置屬秦州

二〇七十一

地十五

六

復信

天水安定郡叛魏應亮即此

輿地廣記卷第十五

輿地廣記卷第十六

陝西秦鳳路下

下府渭州秦屬北地郡二漢屬安定郡晉因之元魏屬太平郡  
隋初屬原州後屬平涼郡唐屬原州寶應元年渭州沒吐蕃元  
和四年以原州之平涼縣置行渭州廣明元年為吐蕃所破中  
和四年復置後曰隴西郡今縣五

中平涼縣漢朝那涇陽二縣地屬安定郡後周置平涼縣屬原  
州隋屬平涼郡唐屬原州元和四年置行渭州今因之有笄  
頭山禹貢涇水所出西有隴山有六盤關西北五里有吐蕃  
會盟壇唐貞觀五年築

中潘原縣本陰槃二漢屬安定郡晉省之後復置元魏置平涼  
郡隋開皇初郡廢屬安定郡唐屬涇州天寶元年改為潘原  
縣周顯德六年來屬

五

地十六

余考

中安化縣故屬儀州

皇朝熙寧五年州廢來屬

中崇信縣

皇朝乾德元年以舊崇信軍地置崇信縣屬鳳

翔府淳化中屬儀州熙寧五年州廢來屬

中下華亭縣隋大業初置屬安定郡唐元和三年省入汧源後

復置兼置儀州

皇朝熙寧五年州廢來屬

望原州自唐已上地理與涇州同廣德元年原州沒吐蕃置行

原州於靈臺之百里城正元十九年徙治平涼元和三年又徙

治臨涇大中三年收復開隴歸治平高廣明後沒吐蕃又僑治

臨涇元屬涇州後唐清泰三年割屬原州後曰平涼郡今縣二

中臨涇縣漢屬安定郡東漢及晉為郡治焉元魏亦屬安定後

廢之隋大業初置湫谷縣尋改曰臨涇屬安定郡唐屬涇州

後為原州治所有漢朝那縣故城

中彭陽縣二漢屬安定郡晉省之後復置元魏置西北地郡隋

改縣為彭原唐武德二年析彭原置豐義縣屬平州  
皇朝太平興國元年改曰彭州至道三年來屬

中下階州古為白馬氏國西戎之別種也漢武帝開之置武都郡東漢晉因之後沒于氏楊茂搜元魏置武街郡西魏置武州寶元年曰武都郡因沒吐蕃廢大曆二年復置為行州咸通中始得故地龍紀初遣使招蕃之京福元年更名階州今縣二  
中下福津縣漢武都縣地元魏置旣當縣及武街郡西魏又於今縣東北三十里萬郡故城置賓津縣後周省旣當入覆津隋開皇初武階郡廢屬武州唐因之景福元年改覆津曰福津後為州治故盤垣縣本西魏置南五部縣後改名隋屬武都郡唐屬武州沒蕃後不復置

五百四十一

地十六

二

全書

其西東漢及晉皆因之元魏改武都縣曰石門西魏改曰安育置武州後周改安育曰新利仍置武都郡隋開皇初郡廢大業初復置唐為武州治後徙福津

上河州古西羌地秦屬隴西郡漢屬金城隴西二郡東漢屬隴西郡漢末宋建自稱河首平漢王據此曹公遣夏侯淵討平之晉惠帝時置晉興郡前秦苻堅置河州西秦乞伏乾歸又據於此元魏亦置河州後周置枹罕郡隋開皇初郡廢大業初州廢復置枹罕郡唐武德二年平李軌置河州天寶元年曰安昌郡領縣三

中下枹罕縣本罕羌侯邑漢為枹罕縣屬金城郡東漢省之晉屬晉興郡苻秦置河州无魏因之後周置枹罕郡隋因之唐為河州

中下大夏縣漢屬隴西郡東漢因之晉屬晉興郡前涼張駿置

大夏郡隋屬枹罕郡唐屬河州正觀元年省入枹罕五年後置

中下鳳林縣本白石縣漢屬金城郡東漢屬隴西郡張駿改白石為永固屬晉興郡唐正觀七年於縣置烏州十一年州廢置安昌縣來屬入寶元元年更名鳳林廣德元年州沒吐蕃

皇朝熙寧六年收復置枹罕縣七年省之今日安鄉郡縣一寧河縣本寧河寨 皇朝崇寧四年升為縣

下蘭州古西羌地秦屬隴西郡漢屬金城隴西二郡東漢魏晉因之前涼張寔分置廣武郡張駿又分置武始郡後為西秦乞伏國仁南涼秃髮烏孤所分據元魏後周屬武始郡隋開皇初郡廢置蘭州大業初州廢復置金城郡唐武德二年平薛舉置蘭州以皋蘭山為名天寶元年曰金城郡領縣二

三四十一

地一六

三

熊傳

有故苑川城西秦乞伏國仁據此後曰子城縣置金城郡隋開皇初郡廢置蘭州大業初州廢置金城郡復改縣曰金城後改曰五泉唐咸亨二年復曰金城天寶元年復曰五泉下金城縣本漢允吾縣為金城郡治所張駿置廣武郡南涼秃髮烏孤據此隋廢為廣武縣唐屬蘭州乾元二年更名金城漢浩靈允吾二縣故城在西南唐德元年州陷吐蕃皇朝元豐四年收復今縣一

蘭泉縣

鞏州古雍州地春秋時屬羗戎秦屬隴西郡二漢因之靈帝分立南安郡晉屬隴西南安二郡元魏為隴西南安安陽三郡兼置渭州後周併為南安郡隋開皇初郡廢大業初州廢後置隴西郡唐武德元年置渭州天寶元年曰隴西郡寶應元年沒吐蕃後廢 皇朝皇祐四年以渭州地置古渭寨熙寧五年改

通遠軍崇寧三年改為鞏州今縣三

隴西縣本襄武縣地二漢屬隴西郡晉為郡治焉元魏置渭州

隋為隴西郡唐渭州沒吐蕃廢 皇朝為通遠軍元祐五

年於郭下置隴西縣隋舊有隴西縣本獮道縣漢屬天水郡

在襄武之東靈帝置南安郡晉因之又置中陶縣後省獮道

入中陶隋開皇初南安郡廢改中陶為內陶又改為武陽十

年又改為隴西唐因之沒蕃後廢

永寧縣本永寧寨 皇朝升為縣

寧遠縣本寧遠寨 皇朝崇寧四年升為縣

會州古為西羌秦屬隴西郡漢屬金城太守二郡地後漢屬金

城武威二郡西魏置會州後周廢之隋屬平涼郡唐武德二年

平李軌置會州大寶元年曰會寧郡領縣二

上會寧縣本漢枝陽縣地屬金城郡晉張寔分屬廣武郡西魏

置會州後周廢之隋開皇十六年置會寧縣屬平涼郡唐置

會州  
上烏蘭縣本漢祖厲縣地屬安定郡東漢屬武威郡晉省之後  
周置烏蘭關唐武德九年置縣後州沒吐蕃 皇朝收復  
今縣一  
敷川縣  
西安州秦漢屬北地郡唐屬靈州 皇朝置西安州  
西寧州古西羌所居漢武帝西逐諸羌乃度河湟築令居塞昭  
帝時屬金城郡東漢末置西平郡晉因之永嘉後禿髮烏孤初  
稱西平王其弟利鹿孤復都西平即此地也後魏置鄯州後周  
置樂都郡隋開皇初郡廢大業初州廢置西平郡唐武德二年  
平薛舉置鄯州天寶元年曰西平郡領縣三  
中湟水縣二漢破羌縣地屬金城郡建安中改為西平郡晉因

之元魏置鄯州後周置樂都郡隋開皇十八年改西都曰湟水大業初為西平郡唐為鄯州破羗縣故城在縣西

中龍支縣漢允吾縣地東漢為龍支縣元魏改曰北金城西魏改曰龍支隋屬枹罕郡唐屬鄯州

中鄯城縣唐儀鳳三年置屬鄯州舊西平郡故城在西有土樓山上元二年州没于吐蕃 皇朝收復改為西寧州隴右

節度加號賓德軍

湟州古雍州地漢晉後屬西平郡唐屬鄯州 皇朝置湟州

有湟水東入河

鄯州古西羗地東漢延熹中護羗校尉段熲追燒河大冢至河

首積石山出塞二千餘里即此地也漢末屬西平郡前涼置湟

河郡元魏屬鄯州後周武帝逐吐谷渾置廓州及洮河郡隋開

皇初州郡並廢大業初置澆河郡唐武德二年置廓州天寶元

地十六

年曰寧塞郡領縣三

下廣威縣本燒當羗地元魏置廣威縣隋仁壽初改為化隆縣

屬西平郡唐置廓州先天元年改化隆曰化成天寶元年曰

廣威

下達化縣後周置達化郡并縣隋開皇初郡廢屬澆河郡有故

澆河城晉時吐谷渾主阿豺所築在縣西一百二十里

下米川縣漢枹罕縣地屬金城郡唐正觀五年置米州及米川

縣十年州廢屬河州永徽六年來屬廣德元年州没吐蕃

皇朝收復

下洮州古為諸羗之地後為吐谷渾所據至後周武帝逐吐谷

渾置洮陽郡兼置洮州隋開皇初郡廢大業初州廢置臨洮郡

唐武德二年置洮州天寶元年曰臨洮郡領縣一

中臨潭縣本吐谷渾地後周置美相縣唐正觀四年徙治洪和

城以故地置旭州五年又置臨潭縣八年州廢以臨潭屬洮州徙州來治復遷于洮陽城仍於舊洪和城置美相縣天寶中省美相併入有禹貢西傾山後名西強山吐谷渾王阿豺嘗外西強山觀墊江源問於群僚曰此水東流更有河名由何郡國入何水也其長史曾和曰此水經仇池過晉壽出宕渠治號墊江至巴郡入江度廣陵會於海阿豺曰水尚知歸吾雖塞表小國而獨無所歸乎遣使通宋獻其方物宋少帝封為堯河公西傾之北則洮水所出北流入河寶應元年州陷吐蕃 皇朝收復

同下州鎮戎軍秦屬北地郡東漢因之晉屬新平郡元魏太武置高平鎮後為高平郡兼置原州隋初郡廢大業初州廢高平涼郡唐武德元年曰原州天寶元年曰平涼郡廣德元年沒吐蕃後廢 皇朝至道元年以故平高縣地置鎮戎軍

高平寨慶曆二年置本漢高平縣為安定郡治焉東漢屬安定郡光武自征隗囂河西太守竇融率三郡太守與車駕會高平是也晉省之元魏置高平鎮後改為平高縣置原州隋為平涼郡唐為原州

同下州德順軍自五代以前地理與渭州同 皇朝慶曆三年以渭州隴州城置德順軍今縣一

隴州縣 皇朝元祐八年置 同下州懷德軍本平夏城 皇朝大觀二年升為懷德軍以蕭關等寨隸之與西安鎮戎互為聲援應接蕭關為邊面之壯焉蓋唐之武州蕭關縣地也

同下州積石軍本漢之金城郡河關縣地唐置軍隸隴右節度府後沒吐蕃 皇朝復置有積石山禹導河自此始河水出崑崙自口言者皆失其實禹本紀山海經水經固以迂恠誕妄

而班固所載張騫窮河源事亦為臆說騫使大夏見葱嶺三闐  
二河合流注蒲昌海上水亭居皆以為潛行地中南出于積石  
為中國河此乃意度之非實見蒲昌海與積石河通流也漢武  
帝以于闐山出玉按古圖書因名河所出曰崑崙至唐之時吐  
蕃為大國居積石西唐之聘使往來非一必見黃河在吐蕃中  
西南數千里向東北流與積石河相連而吐蕃又言崑崙在其  
國內長慶中劉元鼎使西盟會使言河上流由洪濟果西南行  
二千里水益狹冬春可涉夏秋乃勝舟其南三百里三山中高  
而山下曰紫山直大羊同國古所謂崑崙者也虜曰悶摩黎山  
東距長安五千里河源其間流澄緩下稍合眾流色赤行益遠  
它水井注則濁河源東北直莫賀延磧尾隱測其地蓋劔南之  
西元鼎所經見大略如此



輿地廣記卷第十七

陝西路化外州

安西大都護府漢為龜茲國唐立安西府初治西州顯慶二年平賀魯析其地立濛池崑陵二都護府分種落列置州縣西盡波斯國皆隸安西而徙府治高昌故地三年又徙治龜茲都督府而故府復為西州咸亨元年吐蕃陷都護府長壽二年收復安西四鎮至德元載更名鎮西後復為安西吐蕃既侵河隴唯李元忠守北庭郭昕守安西與沙陀回紇相依攻之久不下建中二年元忠昕遣使間道入奏詔冬為大都護並為節度正元三年吐蕃攻沙陀回紇北庭安西無援遂陷領四鎮

龜茲都督府都護府所治太龜茲國

毗沙都督府本于闐國

踈勒都督府本踈勒國

焉耆

地一

一

表從

焉耆都督府本焉耆國

北庭大都護府在流沙之西北漢為烏孫故地東漢為車師後王庭歷代為胡虜所居唐正觀中討高昌于時突厥屯兵於可汗浮圖城與高昌相影響及高昌既平懼而來降乃以其地立庭州長安二年改曰北庭都護府建中二年曰大都護正元三年陷吐蕃領縣四

下金滿縣

下輪臺縣唐大曆六年置

下後庭縣本蒲類隸西州後來屬寶應元年更名其三縣並正觀十四年置

下西海縣寶應元年置

大都督府靈州古為戎狄地秦屬北地郡二漢魏晉皆因之元魏太武帝平赫連昌置薄骨律鎮河渚上舊是赫連果地至明

帝立靈州初治河北後徙治果園所築城後周立普樂郡隋開  
皇三年郡廢大業初州廢立靈武郡唐武德元年改曰靈州天  
寶元年曰靈武郡升為朔方軍節度領縣四

望回樂縣本二漢富平縣地屬北地郡晉及元魏因之後省焉  
故城在縣西南元魏置回樂縣及立靈州後周立普樂郡西  
魏立臨河郡隋開皇元年改臨河郡曰新昌三年州郡並廢

大業初立靈武郡唐武德元年曰靈州四年析置豐安以正  
觀四年於回樂境內立回州以豐安隸焉十三年州廢省豐  
安天寶末明皇西狩太子即位於靈武是為肅宗

上靈武縣漢屬北地郡東漢省之後周置曰建安又立歷城郡  
隋開皇三年郡廢屬靈州十八年改建安為廣潤仁壽元年  
改今名惠因之

緊懷遠縣漢富平縣地後周置及立懷遠郡隋開皇三年郡廢

屬靈州唐立豐州武德六年廢省九原永豐二縣入懷遠

上保靜縣本弘靜隋開皇十一年置唐神龍元年曰安靜至德  
元載更名有賀蘭山

中都督夏州古為戎狄秦屬上郡後為匈奴所有漢武帝伐胡  
取河南地立朔方郡東漢因之後復沒於戎狄晉末赫連勃勃  
建都於此國號大夏子昌為元魏太武所滅以其地立夏州西  
魏立弘化郡隋開皇初郡廢大業初州廢立朔方郡唐正觀二  
年平梁師都改為夏州天寶元年曰朔方郡後升靜難軍節度  
領縣三

上朔方縣二漢屬朔方郡後廢晉末赫連勃勃於黑水之南榮  
都號為統萬燾土以築城鐵錐刺入一寸即殺作人不及一  
寸行錐者死元魏立夏州及置巖巖綠縣西魏立弘化郡隋曰  
夏州復曰朔方郡後為梁師都所據唐克之改為夏州正觀

三年改巖綠為胡方縣唐末拓跋思恭為靜難軍節度使  
後世擅立相承至今為梗

中下德靜縣隋末置唐正觀七年隸北開州八二日化州十三  
年州廢來屬

中下寧朔縣後周置隸弘化郡隋屬朔方郡唐武德六年立南  
夏州正觀二年州廢縣省入朔方五年復置來屬長安二年  
省開元四年又置九年省其後又置

中都督涼州古為戎狄秦時屬匈奴使休屠王居其地漢武帝  
太初四年開立武威郡東漢魏晉因之兼立涼州前涼張軌後  
涼呂光皆據此涼且渠家遂亦自張掖徙居焉元魏後周亦曰  
武威郡隋開皇初郡廢大業初州廢立武威郡唐武德二年平  
李軌立涼州天寶元年曰武威郡復為河西節度領縣王

中下姑臧縣本匈奴蓋藏城後人語訛遂曰姑臧二漢魏晉皆  
為武威郡治兼為涼州刺史治焉前涼後涼北涼皆據此元

魏後周亦為武威郡隋唐為涼州或為武威郡漢鶉陰縣隸  
安定郡東漢來屬晉以後因之後周省入姑臧有禹貢豬野澤古  
郡東漢來屬晉以後因之後周省入姑臧有禹貢豬野澤古  
休屠城蓋并得漢武威休屠二縣地

下神烏縣本漢鶉烏縣屬武威郡後省唐總章元年於漢縣故  
城復置如龍元二年更之

中昌松縣本漢奢松屬武威郡魏晉因之後涼呂光改為昌松  
元魏立昌松郡後周郡廢隋開皇初改縣為永世後復曰昌  
松唐因之漢允街縣神爵二年置屬金城郡東漢魏晉因之  
後省故城在今縣東南漢折次縣屬武威郡東漢以後因之  
元魏屬昌松郡後周省入昌松

中下天寶縣本番和二漢屬張掖郡晉屬武威郡元魏立番和

郡後周郡廢為鎮隋開皇中為縣併障燕支二縣入焉唐咸亨元年立雄州調露元年州廢來屬天寶三載以山出醴泉  
更名為焉支山

中嘉麟縣本鸞鳥二漢屬武威郡後省唐武德三年復置神鳥縣正觀元年省神龍元年改武威縣為神鳥而於鸞鳥故城置嘉麟縣景龍元年省先天二年復置

中都督沙州昔舜竄三苗于三危即此其後世為戎狄地出美瓜長者狐入其中食之首尾不出左傳所謂元姓之戎居于瓜州是也戰國及秦月氏有其地漢時入匈奴武帝開之屬酒泉郡後分立敦煌郡東漢魏晉因之西涼李暠初據此元魏亦曰敦煌郡兼立瓜州後周因之隋開皇初郡廢大業初州廢復為燉煌郡唐武德二年曰瓜州五年改為西沙州正觀七年曰沙州天寶元年曰燉煌郡自傾山之亂河右沒于吐蕃大中後吐

五十二

九十一

四

業述

蕃微弱首領張義潮以瓜沙十一州來歸而宣懿德微不暇疆理名存有司而已後唐莊宗時升為歸義軍節度領縣二下敦煌縣二漢為郡治晉亦屬焉北魏立瓜州後周改縣為鳴沙隋大業初復為敦煌唐立沙州漢效穀縣屬敦煌郡晉因之元魏立效穀郡後周郡縣皆廢入焉禹貢三危山在東南有三峯有神沙山冬夏有聲如雷渥洼水漢元鼎中土人得奇馬以獻武帝欲異之乃云從渥洼水中出於是作天馬之歌

下壽昌縣本龍勒二漢屬敦煌郡晉因之元魏立壽昌郡後周郡縣皆廢入敦煌唐武德二年析燉煌置壽昌永徽元年省乾封二年復置開元二十六年又省後復置治漢龍勒縣故城陽關在縣西六里玉門關在西北一百十八里二關之西三百餘里有蒲昌海一名鹽澤廣袤三四百里則葱嶺干闥

兩河之所注也

下都督瓜州古西戎地戰國時月氏有之後入匈奴漢屬敦煌郡東漢魏晉皆因之元康五年立晉昌郡後廢元魏後周為高樂郡隋開皇初郡廢屬瓜州唐武德五年改瓜州為西沙州而折晉昌別立瓜州大寶元年曰晉昌郡領縣二

中下晉昌縣本真安二漢晉屬敦煌郡惠帝以屬晉昌郡北涼李暹改為涼興郡元魏改為當樂郡後周省真安別置涼興郡隋開皇初郡廢屬瓜州改涼興為常樂縣唐武德四年更名晉昌五年別立瓜州於此

中下常樂縣本唐屬瓜州魏分置宜禾縣晉立晉昌郡李暹改為涼興郡曰涼興元魏改郡曰常樂後周廢縣別置於真安故城為晉昌武德元年別置常樂於此

下都督瓜州春秋戎之地秦屬北地郡二漢因之魏晉廢元魏立六興郡西魏改為五原郡兼立西夏州後改州曰鹽州又改郡為大興郡隋開皇初郡廢大業初州廢立鹽州郡唐武德二年平涼師都立鹽州天寶元年曰五原郡正觀三年吐蕃九年復城之領縣

上五原縣漢馬領縣屬北地郡後置五原縣元魏立大興郡西魏立鹽州隋曰鹽州唐曰鹽州有烏池白池細項池四瓦窰池鹽

上白池縣本興寧隋末置京龍三年更名

中府勝州本春秋戎狄之地戰國屬趙秦屬雲中九原一郡二漢屬雲中五原二郡魏晉後荒廢隋開皇二十年立勝州大業初州廢立榆社郡唐武德中平涼師都立勝州天寶元年曰榆林郡領縣二

中下榆林縣本漢雲中之沙南五原之五原地南界有榆溪塞  
即蒙恬為秦侵胡闢地數千里累石為城植榆為塞是也隋  
開皇七年置榆林縣二十年立勝州大業初立榆林郡唐因  
之漢五原縣故城在今縣西有隋故榆林宮東有榆林關

中下河濱縣亦漢治南縣地唐正觀三年置以東臨河岸故名  
及立雲州四年曰威州八年州廢來屬東北有河濱關

下都督西州漢為車師前王國元帝置戊巳校尉屯田車師故  
地地形高敞因名高昌墨前涼張駿立高昌郡元魏和平元年  
為蠕蠕所并以闕伯周為高昌王高昌稱王自此始孝文帝金  
城魏嘉祥王於此傳數世至唐正觀十四年討平之以其地立

西州開元中曰金山郡唐睿宗天寶元年曰袁河郡領縣三  
下前定縣本漢高昌郡有八城本中國人也張駿立高昌郡  
三光且深交遠皆因之後闐伯周始建國至魏又秦為唐所

滅立西州及置高昌縣唐貞觀元年改為前庭取車師前王庭  
以名之

下初中縣取漢舊地為名

中下交河縣漢車師前王國治六河城河水分流繞城下故號

交河唐取以名縣

中蒲昌縣唐以始昌故城置本隸庭州後來屬東南有蒲類海  
胡人呼為婆悉海

天山縣其五縣皆唐正觀十四年與州同置

下伊州在燉煌北大磧之外為戎狄之地非九州之限東漢明  
帝時伐匈奴始取伊吾盧地置宜禾都尉以屯田竇憲班超初  
築城於此班勇為西城長史乃居焉爾後多為屯田兵鎮之所  
未為郡縣元魏始立伊吾郡後又為鄯善所據唐正觀四年西  
域雜胡內附乃立西伊州六年曰伊州天寶元年曰伊吾郡領

縣三五代時曰胡盧磧為仲雲之族牙帳仲雲小月氏之遺種也

下伊吾縣本匈奴地曰伊吾盧在敦煌之北大磧之外南去玉門關八百里東去陽關二千七百三十里東漢以後為屯田兵鎮之所晉置伊吾縣屬敦煌郡元魏立伊吾郡後廢唐立伊州復置縣有天山匈奴人呼為折羅漫山每過之皆下馬拜一名雪山

下納職縣唐正觀四年以鄯善所築故城置開元六年省十五

年復置

下柔遠縣唐正觀四年置取縣東柔遠故城以名之  
下甘州春秋戰國為戎狄秦及漢初為匈奴所有使昆耶王居之武帝太初元年昆耶三卒降以其地立張掖郡東漢魏晉皆因之北涼上渠蒙遜始都於此元魏置張掖郡西魏置西涼州

地一一

七

風

尋改曰甘州因州東甘峻山為名後周因之隋開皇初郡廢大業初州廢復為張掖郡唐武德二年平李軌立甘州天寶年曰張掖郡領縣二五代時為回鶻牙帳

上張掖縣晉舊縣本匈奴昆耶王地漢立張掖郡治麟得縣東漢因之晉改曰永平縣西魏立甘州隋廢郡大業初改永平

為張掖縣唐因之漢昭武絲屬張掖郡晉改曰臨澤故城在縣西北漢張掖縣屬武威郡東漢因之後省故城亦在縣西

北漢居延縣張掖都尉治東漢興平二年立西海郡魏晉因之後廢故城在今縣東北故臨松郡前涼張天錫置元魏

因之後廢為縣後周省入有遮慮乃障漢將軍路博德所築有祁連山臨松山甘峻山合黎山居延澤禹貢所謂道弱水至

于合黎餘波入于流沙居延澤即古流沙也

中下冊丹縣漢屬張掖郡東漢因之後分屬西郡晉因之元魏

改縣曰山丹隋大業初復改曰刪丹屬張掖郡唐屬甘肅州漢日勒縣屬張掖郡東漢因之後分立西郡魏晉元魏因之改縣曰永寧西魏郡廢又改縣曰弱水後周省入山丹故城在縣東南有焉支山匈奴初失祁連焉支二山惜之歌曰奪我祁連山使我六畜不繁息失我焉支山使我婦女無顏色

下肅州古月氏地後入匈奴漢太初元年開立酒泉郡東漢魏晉因之西涼李暠自敦煌徙居於此元魏後周亦為酒泉郡隋開皇初郡廢仁壽中立肅州大業初州廢入張掖郡唐武德二年分立肅州大寶元年曰酒泉郡須縣三

中下酒泉縣本福祿漢立酒泉郡城下有金泉味如酒因以名焉東漢以後皆因之元魏置酒泉郡後復為郡隋郡廢立肅州州廢屬張掖郡義寧元年改福祿為酒泉唐立肅州西南有崑崙山周穆王見西王母於此漢平帝時金城塞外无獻

五

地十七

八

年

魚鹽之地遂得西王母石室以為西海郡後為吐谷渾所都隋大業三年討之復立西海郡

下福祿縣本漢樂涪縣屬酒泉郡東漢晉因之後省唐既改福祿縣為酒泉武德二年於樂涪故城復置

中下玉門縣漢屬酒泉郡時罷玉門關屯徙其入於此因以名縣東漢魏晉因之元魏立會稽郡併新鄉延興入會稽縣隋開皇中改縣為玉門屬瓜州唐武德二年來屬工觀元年省後置開元中没吐蕃因置玉門軍天寶十四年廢軍為縣北有獨登山出鹽以充貢有神雨山

下壘州歷代為諸羌所據晉屬汶山郡宋齊因之後為西魏後周所有武帝立西疆恒香二郡兼立壘州隋開皇初二郡並廢大業初州廢入臨洮同昌二郡唐武德二年復立壘州天寶元年曰合川郡領縣二



下合川縣後周置及立西疆郡隋郡廢屬臨洮郡唐立疊州故  
疊川縣後周置及立疊州隋廢州屬臨洮郡唐武德二年來  
屬正觀二年省入焉有白嶺山

下常芬縣後周置及立恒香郡隋郡廢屬同昌郡唐武德元年  
立芳州高宗上元二年陷吐蕃神龍元年州廢來屬有弱水

下宕州歷代為諸羌所據元魏武帝時始內附封為宕昌王後  
周立宕昌國武帝天和元年置宕州隋大業初州廢為宕昌郡

唐武德元年復為宕州天寶元年曰懷道郡領縣二  
下懷道縣後周置及立甘松郡隋開皇初郡廢屬宕州唐為州

治正觀三年省和戎縣入焉  
下良恭縣本陽宕後周置及立宕昌郡兼立宕州隋郡廢後州  
廢復為宕昌郡唐屬宕州正觀元年以成州之潭水來屬後

省入焉

下都督府豐州春秋為戎狄戰國屬趙秦屬九原郡漢屬五原  
郡東漢因之魏晉後為匈奴所沒隋文帝置豐州煬帝初州廢  
置五原郡唐正觀四年以突厥降戶立豐州不領縣十一年州  
廢入靈州二十三年復立天寶元年曰九原郡領縣二

中下九原縣二漢屬五原郡後沒匈奴唐永徽四年復置  
中下永豐縣唐永徽元年置麟德元年別置豐安縣天寶未省

東受降城唐景雲二年朔方軍總管張仁愿築三受降城  
中受降城有拂雲堆祠

西受降城開元初為河所圮十年總管張說於城東別置新城  
北三百里有礪鵝泉

上宥州歷代地理與鹽州同唐調露元年於靈夏南境以降突  
厥立魯州麗州舍州塞州依州契州以唐人為刺史謂之六胡  
州長安四年併為匡長二州神龍三年立蘭池都督府分六州

為縣開元十年復立魯麗契塞四州十年平康待賓遷其人於河南及江淮十八年復為匡長二州二十六年還所遷胡戶立宥州及延恩等縣天寶元年曰寧胡郡至德二載更郡曰懷德乾元元年復故名寶應後廢元和九年於經略軍復置距故州東北三百里十五年徙治長澤為吐蕃所破長慶四年節度使李祐復奏置領縣二

中延恩縣唐開元二十六年以故匡州地置又以故塞門縣地置懷德縣以故蘭池州之長泉縣地置歸仁縣寶應後皆省元和九年復置延恩有經略軍在榆多勒城天寶中王忠嗣奏置

中下長澤縣本漢三封縣地屬朔方郡後省元魏置長澤及立闡熙大安二郡又立長州隋開皇三年郡並廢大業三年州廢入朔方郡唐正觀七年立長州十三年州廢隸夏州元和

十五年來屬有胡洛鹽池

輿地廣記卷第十八

河東路上

大都督府太原府春秋屬晉戰國屬趙秦昭襄王使蒙驁攻趙初置太原郡二漢因之兼置并州魏晉為太原國後魏復為郡北齊後周皆因之隋初曰并州後曰太原郡唐武德元年為并州天授元年置北都開元十一年曰太原府後領河東節度周初劉崇竊據其地 皇朝太平興國四年克復降為并州嘉祐四年升為太原府河東節度今縣九

次赤陽曲縣本漢狼孟縣地故城在今縣東北屬太原郡東漢自今定襄縣移陽曲於此晉因之隋開皇六年改曰陽直十六年改曰汾陽唐武德七年復曰陽曲自劉氏竊據以前府治太原晉陽二縣 皇朝太平興國四年王師克復遂徙州治陽曲而空其故城太原縣馬真所謂既修太原是也秦

五

地十八

連口

以來為太原郡治東漢以後兼為并州刺史治焉後魏尔朱榮高歡父子皆據此隋開皇十年於州城中立晉陽置太原縣唐高祖於此起義師以興王業 皇朝太平興國四年省入榆次晉陽縣本漢舊縣北齊置龍山縣隋開皇十年改曰晉陽 皇朝建隆四年以為平晉軍太平興國四年廢為平晉縣熙寧三年省入陽曲有龍山晉水所出 次畿太谷縣本漢陽邑縣屬太原郡東漢及晉皆因之隋開皇十八年更名唐因之有太谷山

次畿榆次縣本涂水晉太夫知徐吾之邑也秦莊襄王三年蒙驁攻趙榆次漢屬太原郡東漢晉因之北齊改曰中都隋開皇初復曰榆次唐因之

次畿壽陽縣晉泰始中置屬樂平郡後廢隋開皇十年復置屬并州後曰受陽唐武德六年受州徙治此正觀八年州廢來

屬十一年復曰壽陽有方山

次畿孟縣本晉大夫孟丙邑漢屬太原郡東漢晉因之後廢隋開皇十六年置原仇縣大業初復曰孟唐武德三年置受州正觀八年州廢來屬

次畿交城縣隋開皇十六年分晉陽置屬并州唐先天二年析置靈川縣開元二年省

次畿文水縣本太陵縣地昔趙武靈王遊大陵夢魼女鼓琴而歌即此漢屬太原郡東漢晉因之後曰受陽隋開皇十年改曰文水屬并州唐武德中屬汾州正觀初還屬并州天授元年以武后鄉里改為武興神龍元年復為文水

次畿祁縣本晉大夫祁奚邑晉滅祁氏以賈辛為大夫漢屬太原郡東漢晉因之北齊省隋開皇中復置屬并州唐因之

次畿清源縣本梗陽晉大夫魏戊邑漢為榆次縣地隋置清源

縣以清源水為名屬并州大業初省入晉陽唐武德元年復置

大都督府潞州春秋時為黎侯後赤狄奪其地而潞子嬰兒為晉所滅其地屬晉戰國時曰上黨為韓之別都遠韓近趙秦攻上黨韓不能救其守馮亭以地降趙秦攻取之置上黨郡二漢晉因之後魏亦為上黨郡後周四置潞州隋置韓州大業初州廢復置上黨郡唐武德元年又為潞韓二州正觀十七年併韓入焉後領沁義軍節度 皇朝太平興國元年改昭德軍建中靖國元年改隆德軍今縣七

望上黨縣故黎侯國書所謂西伯戡黎詩所謂狄人迫逐黎侯是也漢為壺關縣屬上黨郡東漢晉因之後魏分置上黨縣為上黨郡治後周及唐為潞州治明皇嘗為州別駕有啓聖宮本明皇故弟

上屯留縣春秋時本為純留屬晉左傳晉人執衛孫蒯于純留  
即此後趙肅侯奪晉君端氏而徙之屯留漢屬上黨郡東漢  
晉因之北齊廢焉隋開皇十六年復置屬潞州唐因之有漢  
余吾縣故城在縣西北三十里

上襄垣縣漢屬上黨郡東漢晉皆因之後魏置襄垣郡北齊郡  
廢後周置韓州隋大業初州廢屬上黨郡唐武德元年復置  
韓州正觀十七年州廢來屬有重臺山

上潞城縣故潞子國二漢潞縣屬上黨郡晉為郡治後縣廢隋  
開皇十六年復置潞城縣屬潞州唐因之有潞水為并州浸  
即濁漳水也

中黎城縣漢潞縣地後魏以潞縣被誅遣人置隋開皇十八年  
改名黎城有壺口故關

中壺關縣本漢壺關縣地後魏既以壺關置上黨縣乃移壺關  
五百里

於此隋大業初省入上黨唐武德四年復析上黨置屬潞州

中長子縣本周史辛甲之封邑左傳晉人執衛行人右買子長

子即此秦為上黨郡治二漢因之曰屬上黨郡北齊廢焉隋

開皇九年置曰寄氏縣十八年改曰巨野屬潞州唐因之有

廢鳩山漳水所出有羊腸坂王莽命左咸將三嘉曰羊頭之

阨北當燕趙蓋此地也

中下涉縣二漢屬魏郡晉屬廣平郡後魏廢焉隋開皇十八年

復置屬潞州

望晉州堯時為帝都所謂平陽也春秋屬晉戰國屬魏秦屬河

東郡二漢因之魏分置平陽郡晉因之劉淵僭位設都於此後

魏亦為平陽郡兼置唐州後改曰晉州東魏北齊皆為重鎮隋

初郡廢煬帝初置臨汾郡唐武德元年曰晉州天寶元年曰平

陽郡梁開正四年升定昌軍後唐同光元年改曰建雄軍

皇朝因之今縣十

望臨汾縣本平陽堯所都也戰國時韓武子居之二漢屬河東郡魏置平陽郡晉因之後魏置唐州改曰晉州隋開皇初改郡曰平河改縣曰臨汾尋郡廢大業初置臨汾郡唐置晉州有姑射山

緊洪洞縣本楊侯國姬姓也晉滅之為枹邑二漢為楊縣屬河東郡晉屬平陽郡隋屬臨汾郡義寧二年改曰洪洞取縣北洪洞嶺為名唐屬晉州故洪洞城在今縣北東魏北齊鎮此緊襄陵縣二漢舊縣屬河東郡晉屬平陽郡後魏太武以擒赫連昌乃分置擒昌縣北齊廢襄陵入擒昌隋大業初又改擒昌為襄陵屬臨汾郡唐屬晉州晉襄公之陵在西北因以名縣

上神山縣唐武德二年分襄陵置浮山縣東南有羊角山四年以老子祠更名神山

趙城縣昔周穆王以趙城封造父即此漢為彘縣地屬河東郡隋義寧二年析霍邑置趙城縣屬晉州

上汾西縣後魏置曰臨汾縣及汾西郡隋開皇初郡廢十八年改縣曰汾西屬晉州唐因之

中霍邑縣本縣周厲王流於彘即此漢屬河東郡順帝陽嘉二年改曰永安晉省之後魏置永安郡隋開皇初郡廢十六年置汾州十八年改為呂州而改永安為霍邑大業初州廢屬臨汾郡唐屬晉州霍太山在東北禹貢所謂太嶽也周封文王子叔處為霍伯其後晉滅之有彘水西南流入汾

中冀氏縣漢猗氏縣地屬上黨郡後魏置冀氏縣及冀氏郡北齊郡廢隋屬臨汾郡唐屬晉州

中下和川縣

山下岳陽縣漢穀遠縣地屬上黨郡後魏置安澤縣隋大業初改曰岳陽屬臨汾郡唐屬晉州縣在太嶽之南禹貢所謂至于岳陽蓋指此而言也

中府州漢屬太原郡隋屬樓煩郡唐屬嵐州唐末置府州後唐莊宗以雲中人折從阮為刺史晉出帝時從阮以兵攻契丹取其城保十餘漢高祖天福十二年置永安軍以從阮為節度使明年入朝拜從阮子德辰為本州團練使自此折氏世守府州皇朝因之今縣一

下府谷縣有安豐寧府百勝三寨濱河斥侯請化西安三堡有黃河

下麟州漢屬五原西河二郡隋屬銀勝二州唐因之開元十二年節度使張說奏置麟州十四年州廢天寶元年王忠嗣復奏置又為新秦郡 皇朝乾德五年升建寧軍節度端拱元年

改鎮西軍今縣三

上新秦縣唐天寶元年析連谷銀城置為麟州治按漢書食貨志武帝以山東被水災民多飢乏乃徙貧民於關以西及充朔方以南新秦中今之郡縣蓋其地也

中銀城縣本漢朔陽曼相二縣地屬五原郡後魏置石城縣後周改為銀城隋屬蜀州後廢焉唐正觀二年復置四年屬銀州八年屬勝州天寶元年來屬漢本紀光祿勳徐自為築五

原塞外列城西北至盧胎山即今縣北所謂光祿塞是也下連谷縣本漢固陰縣地屬西河郡唐正觀八年以隋連谷戍置縣屬勝州天寶元年來屬

雄絳州春秋為晉都戰國屬魏秦時屬河東郡二漢因之晉屬河東平陽二郡後魏置東雍州西魏後周以為重鎮後周改曰絳州及平正絳二郡隋開皇初郡廢大業初州廢置絳郡唐武

德元年復曰絳州天寶元年曰絳郡

皇朝因之今縣七

望正平縣本二漢臨汾縣屬河東郡晉屬平陽郡後周置正平郡隋開皇初置絳州十八年改臨汾縣為正平大業初置絳郡唐為絳州有北齊武平關在縣西三十里故家雀關在縣西七里並是鎮處有汾澮二水

望曲沃縣晉文侯封弟成師於此謂之曲沃桓叔二漢為絳縣地後周置曲沃縣隋屬絳郡唐屬絳州有絳山絳水

望大正縣本漢臨汾縣地後魏置大平縣隋屬絳郡唐屬絳州上翼城縣晉穆侯自晉陽徙都于絳至孫去侯改絳為翼謂之

翼侯其後為曲沃武公所并自曲沃徙都之復謂之絳二漢為絳縣地後魏為北絳縣及北絳郡隋開皇初郡廢十八年改縣曰翼城屬絳州義寧元年置翼城郡唐武德元年曰澮

州四年州廢縣來屬

北

六

三

中稷山縣本二漢聞喜縣地屬河東郡後魏置高涼縣又置龍門郡後周置勳州改曰絳州隋開皇初龍門郡廢遷絳州治正平十八年改高涼曰稷山唐因之十月玉壁城後周二思政所築為重鎮齊神武再攻圍不克

中絳縣本晉之新田魏獻子曰新田土厚水深居之不疾蓋謂此二漢屬河東郡晉屬平陽後周置絳郡隋開皇初郡廢屬絳州唐因之

下垣曲縣本垣縣二漢晉屬河東郡後廢為焉西魏置邵郡及白水縣後周置邵州改白水為亳城隋開皇初郡廢大業初州廢改亳城為垣縣屬絳郡義寧元年置邵原郡唐武德元年

曰邵州正觀元年州廢縣來屬龍朔二年屬洛州長安二年復故正元二年屬陝州元和二年復故今日垣曲有禹貢王屋山沆水所出東流為濟



上代州春秋屬晉戰國屬趙趙武靈王置鴈門郡北其南境秦漢屬太原鴈門二郡東漢屬太原鴈門代三郡晉置鴈門郡後魏又置繁時郡後周置肆州隋開皇五年改曰代州唐因之天寶元年曰鴈門郡 皇朝因之今縣四

中鴈門縣本漢廣武縣屬太原郡東漢屬代郡晉為鴈門郡治焉元魏後周皆因之隋初郡廢置代州唐因之有夏屋山史記趙襄子北登夏屋以銅斗擊殺代王即此有勾注山漢擊匈奴於此一山西陲有滹沱水

中崞縣二漢晉皆屬鴈門郡後廢焉元魏置石城縣東魏置廓州北齊改為北顯州後周廢隋開皇十六年改縣曰平寇大業初又改曰崞縣屬鴈門郡唐屬代州有崞山故樓煩縣本樓煩胡地趙武靈王取之置縣二漢屬鴈門郡魏晉廢焉故城在今縣東故唐林縣本武延縣唐證聖元年析五臺崞置

唐隆二年改曰唐林

皇朝景德二年省入崞

中下三臺縣本慮虎縣二漢屬太原郡魏晉廢焉後魏置驢夷縣隋大業初改曰五臺屬鴈門郡唐屬代州有五臺山慮虎

中下繁時縣二漢晉皆屬鴈門郡後廢焉元魏後置并置繁時

郡後周郡縣並廢隋開皇十八年復置縣屬代州唐因之

下隰州春秋屬晉戰國屬魏秦二漢屬河東郡魏晉屬平陽郡後魏北齊為沁州後周置沁州及龍泉郡隋開皇初郡廢後復置西汾州尋又改為隰州大業初復置龍泉郡唐武德元年改為隰州天寶元年曰大寧郡今縣六

上隰川縣本晉之蒲邑晉獻公使公子重耳居蒲即此漢為蒲子縣屬河東郡晉屬平陽郡後廢焉後周置長壽縣及龍泉郡隋開皇初郡廢改長壽縣為隰川為隰州治唐因之

二溫泉縣本後周新城縣地隋開皇十年省縣入汾西唐武德三年置溫泉及北溫州正觀元年州廢以縣來屬

中蒲縣後周置隋屬龍泉郡唐武德二年置昌州正觀元年州廢以縣來屬

中大寧縣本漢北屈縣地屬河東郡隋為任城縣地屬文城郡唐武德二年更名是年置中州正觀元年州廢以縣來屬

中石樓縣本漢吐軍縣屬河東郡東漢省之後魏置吐京縣及吐京郡蓋胡俗語訛也隋開皇初郡廢十八年改縣為石樓屬隰州唐武德二年置而德州正觀元年州廢屬東和州

州廢交屬有石樓山

中永和縣本漢狐讞縣屬河東郡東漢晉因之後周置臨河縣及臨河郡隋開皇初郡廢十八年改縣為永和屬隰州唐武德二年置東和州六年析置樓山縣正觀二年州廢省樓山

以永和來屬

下慈州春秋屬晉戰國屬魏秦二漢屬河東郡魏晉屬平陽郡東魏置定陽郡及南汾州北齊改為西汾州隋開皇初郡廢十六年改州為耿州後復為汾州大業初州廢置文城郡唐武德元年復曰汾州五年曰南汾州八年曰慈州取慈烏戍為名天

寶元年曰文城郡 皇朝熙寧三年州廢屬隰州示祐元年復置今縣一

中吉鄉縣本晉之北屈晉獻公使公子夷吾居屈即此地產馬所謂屈產之乘東魏置定陽縣及定陽郡隋改定陽曰吉昌置文城郡唐曰慈州後唐改吉昌為吉鄉 皇朝因之

州廢屬隰州州復置仍為州治有禹貢壺口山文城鎮本元

魏伍城縣地後置文城縣隋屬文城郡唐屬慈州有孟門山

黃明 皇朝熙寧五年省入吉鄉唐慈州又領昌寧仵城

呂香三縣昌寧縣元魏置并內陽郡隋開皇初郡廢屬文城郡後唐改曰寧鄉 皇朝省之伍城縣元魏置曰刑軍縣後改曰伍城又置伍城郡隋開皇初郡廢屬文城郡周顯德三年省呂香縣隋義寧元年分伍城置平昌縣唐貞觀六年改為呂香周顯德三年省

下忻州春秋屬晉戰國屬趙秦二漢屬太原郡元魏置肆州後周徙州於鴈門郡隋開皇初置新興郡十八年置忻州取忻口為名大業初州廢屬樓煩郡義寧元年復置新興郡唐武德元年復為忻州天寶元年曰定襄郡 皇朝因之今縣二緊秀容縣本漢汾陽縣地屬太原郡東漢省之元魏置肆州北齊置平寇縣隋開皇初置新興郡十年廢平寇縣而自今宜芳秀容故城移縣治此十八年置忻州唐因之有忻口寨繫舟山

上定襄縣本漢陽曲縣地唐武德四年析秀容置有石嶺關甚險固

輿地廣記卷第十八



